



Jen Bureejtōn Thomas S. Monson

lāekwōj eo an Mour

Jaar itok jān ia? Jej ita ijin? Jej etal nān ia eļāñne jej likūt mour in? Ejjeļok aikuj nān kajjitōk kein repād wōt ilo aer jab uwaak.

Ro jeiū im jatū jitōn bōro, jiboñōñ in Ikōñaan kōnono nān kom̄ kōn mool ko an indeeo—mool ko renaaj kōm̄weieik mour ko ad im lo ad kōjparok ilo m̄weo im̄ōd.

Jikin otemjej armej rej pād ilo kō-kairiir. Baļuun ko rej kaiiūm̄ kōn m̄we-iuk ko m̄weien armej kijooone laļ ko reļļap im m̄alo ko reļļap bwe kweilok in pejnej ko ren maroñ kōm̄m̄an, eddo eo en maroñ tōprak, kakkije ko maroñ lañlōñ kaki, ak loļok ko an baamle. Iaļ ko jikin otemjej—ekoba būriwe ko, iaļ ko, motorway ko—rej bōkļok milien waan ito itak ko, robrak kōn elōñ ļok milien armej ro, ilo juon ibeb im elōñ wūn ko roktak ilo ad kōkairiir kōn jerbāl eo an kajjojo raan.

Ilo mour in jenañin ke kar bōjrak jidik im kōļmenļokjen—aaet kōn ļōm-ņak ko remool im ejjeļok jemļokier?

Ñe jej keidi nān mool ko an indeeo, enañin aolep kajjitōk ko im inepata ko aolep iien ad mour relukkuun ejjeļok tokjāer. Jenaaj kōjota ta? Jej unook kōn kōļar ta ettōñaak eo? Johnny eaikuj ke ikkure ilo juon tiim in jōkad eboļōmen? Kajjitōk kein im ko āinļok wōt kein reddik rej jako joñan aorōk ko aer eļāñne ej jerjer im

waļok iien ko rōkauwōtata, eļāñne ro jeokwe rej metak im jorrāān, eļāñne juon ej jino nañinmej, eļāñne juon elukkuun dōļoļoļ, im mej ej kōtmāne eo. Ļōmņak ko ad rej erom pedped wōt ioer, im epidodo kiiō ad maroñ kūle ta eo elukkuun aorōk im ta eo ejjab lukkuun aorōk.

Iaar loļok juon kōrā eo eaar tari-ņaeik juon nañinmej ekauwōtata kōn enañin ruo jim̄a iiō ko. Eaar kwaļok bwe ke eaar bar jino nañinmej, raan ko an raar obrak kōn m̄akūtūt ko āinwōt karreoik m̄weo im̄ōn im kainōknōk e kōn m̄weuiuk ko im aiboojoj. Eaar lale jikin nuknuk eo an ruo kōttan juon wiik im joļok jān im iien kajjojo allōñ wia nuknuk. Ajri ro jibūn raar kajjitōk nān jab lotok aolep iien, kōnke aolep iien ej inepata kōn ta eo ej kūle bwe m̄weuiuk ko an remaroñ in rub ak barāinwōt jorrāān jen pā ko reddik im ejjeļok aer kea.

Innām eaar bōk nuuj ko rekaburomōjōj bwe mour eo an epād ilo kōtmāne bwe emaroñ mej im bwe ejjab lukkuun bwe an iien ijin. Eaar ba bwe juon iien eaar roñ an taktō eo kōmeļeļeik jemļok eo kōn nañinmej eo an, eaar kūle iien eo wōt

bwe eaikuj in joļok jabdewōt iien ko an āliktata ippān baamle eo an im ro mōttan ilo kōjpeļ eo ilo pedped in mour eo an, bwe men kein rej bōk jikin ta eo eļap an aiboojoj nān e.

Iien ko ewōr tokjāer rej itok nān kōj aolep ilo juon wōt kōttan ak bar juon iien, mekarta bōlen ejjab aolep iien juon iien elemōñōñō ak kōn ta eo eaar waļok. Jej lukkuun loe ta eo ej lukkuun wōrtokjen ilo mour ko ad im ewi wāween ad aikuj mour.

Rilōmōqr eo eaar ba:

“Kom̄win jab koorļok m̄weuiuk nān kom̄ ioon laļ, ijo dile im jo rej kañi, im ijo ro ri kōqt rej rupe im kōqte:

“A kom̄win koorļok m̄weuiuk nān kom̄ i lañ, ijo dile im jo re jab kañi, im ijo ro ri kōqt re jab rupe im kōqte:

“Bwe ijo m̄weioj ej pād, barāinwōt būruōm̄ enaaj pād ie.”¹

Ilo tōre ko ad kōn eļap kejekļokjen ak aikuj eo eļap, jetōb an armej ej tōparļok lañ ko, pukōt juon uwaak ekwojarjar nān kajjitōk ko reļļap an mour: *Jaar itok jān ia? Jej ita ijin? Jej etal nān ia eļāñne jej likūt mour in?*

Uwaak ko nān kajjitōk kein rejjab pād ilowaan kōbar in bok in kalļej ko ak jen ad pukōte ilo Intōrnet eo. Kajjitōk kein rej ļe ilōñ in mour in. Rej kitbuuj mour indeeo.

Ia eo jej itok jene? Kajjitōk in ej juon ļōmņak emool, eļāñne ejjab waļok, jen aolep armej.

Rijilōk Paul eaar jiroñ Kom̄eo ri Aten “kōj ro nejin Anij”² Kōnke jejeļā bwe ānbwinid rej nejin m̄ama im baba ro an kanniōk, jej aikuj kappukōt mejeļe eo an ennaan in an Paul. Irooj eaar kwaļok bwe jetōb eo im ānbwin eo rej jetōb eo an juon armej.³ Kōn menin jetōb eo ej nejin Anij. Rijeje

in Hibru eo ej kōnono n̄an E āinwōt “Jemān jetōb raṅ.”⁴ Jetōb ko an aolep armej rej laddik im leddik ro Nejin.⁵

Jemeleje bwe boem̄ ko reim̄we ewōr ippāer, ekkatak eo ad kōn unin kōnono in, ennaan ko reim̄we im lōm-ṅak ko rejejuwaer kar rekṷoti. Rijeje boem̄ in English eo eaar je m̄ool in:

*Ad lotak ej ak juon tien kiki im
juon wāween:
Jetōb eaar pād ippād ke jej lotak ej
āinwōt juon iju;
Eaar pād etto m̄okta jen ad kar
lotak tok ilo mour in,
Im eaar itok jān ijo etto loḷok:
Jaar jab meḷokloḷok men otemjej,
Im an juon jab lukkuun in pojak:
Kōnke jej kajjojo ej lotak kōn juon
m̄weṅan ekwojarjar ilo kōj
Jān Anij, eo ej ad kapijuknen:
Āinwōt niñniñ ro rej ekkeijel
n̄an lañ!*⁶

Mama im baba ro rej kejeḷokjen kōn eddo in aer n̄an katakin, n̄an im̄we, n̄an leḷok unin tōl, tōl, im waanjoṅak. Im tōre in mama im baba ro rej kejeḷokjen, ajri ro—im eḷap tata jodikdik—rej kajjitōk kajjitōk in eaorōk, etke jej pād ijin? Ekkā an unoojdikdik n̄an jetōb eo im kwaḷok, etke ij pād ijin?

Jej aikuj in kam̄oolol bwe juon Rikōmanman emāletlet eaar kōmanman juon laḷ im juon jikin n̄an kōj ijin, ippān juon rōnōl in meḷokloḷok ijo jikid m̄okta bwe jen maroñ eñjake juon iien idajoñjoñ, juon iien em̄man n̄an mālijoñe kōj make, n̄an maroñ in karbōb n̄an men otemjej Anij em̄oj an kōpooj n̄an kōj n̄an būki.

Emeleje, unleplep in jibadbad eo ad m̄okta ioon laḷ in ej n̄an bōk ānbwin kanniōk im di. Jaar barāinwōt bōk menin letok an anemkwoj in kālet. Ilo juon taujin wāween ko, jaar jeram̄man n̄an kālet n̄an kōj make. Ijin jej ekkatak jān kōṅaan ko reppen an eñjake an juon make. Jej peek n̄an kālet ikōtaan em̄man in nana. Jej kule āinwōt ta eo emeḷ im ta eo etōnal. Jej lo bwe ewōr kaje ko rej ekkeijel n̄an m̄akūtūt ko.

Jen pokake kien ko an Anij, jej maroñ ekkar n̄an “m̄weo” Jisōs eaar kōnono kake ke Eaar kwaḷok: “Ilo im̄on Jema elōn jikin. . . Ij ilām kōppojak jikōmi . . . bwe ijo Ij pād ie, barāinwōt kom̄win pād ie.”⁷

Meñe jej itok ilo mour in “loor kōdḷ ko raiboojoj,” mour ej em̄makūt m̄aanloḷok. Jodikdik ej itok ālkin mour in niñniñ, im kekemṷoj ej itok ajjidikdik ilo an pen kule. Jān eñjake eo jej ekkatak aikuj eo n̄an tōparloḷok lañ kōn jipañ ilo ad etal ilo iaḷ eo ad an mour in.

Anij, Jemed, im Jisōs Kraist, ad Irooj, eaar kōkaḷleik iaḷ eo n̄an weepān. Rej kūr kōj n̄an loor m̄ool ko an indeo im n̄an erom ro rōweepān, āinwōt Er rōweepān.⁸

Rijilōk Paul eaar keidi mour in n̄an juon iāekwōj. Nān Ri Hibru ro eaar rōjañ, “Jen barāinwōt joḷok men otemjej reddo jerṷowiwi eo e nañin kōpooḷ kōj, im jen kijenmej im ettōr ilo iāekwōj eo em̄oj likūt im̄aad.”⁹

Ilo ad lañlōñ, jen jab kaarmejeje kapilōk eo emāletlet jān Ekklesiastis: “Iāekwōj e jab n̄an eo e m̄okaj wōt, ak ire n̄an eo e kajoor wōt.”¹⁰ Em̄ool, oñeān ej etal n̄an e eo ej niknik n̄an jemloḷkin.

Eḷañne ij kejeḷokjen kōn iāekwōj in an mour in, Ij kememej bar juon kain iāekwōj, aet jān tōre ko iaar ajri. Ro m̄otta im Nā kar ebbōk bakbōk ko reddik ippām im, jān juon wōjke epidodo raan, lōme waan ikkure jiddik ko. Juon wūjlā kotin etūraañkōḷ ej ekkeijel, kajjojo renaaj katelloḷok waa eo waan epidodo ilo iāekwōj laḷ loḷok ilo dān ko reium̄ im kauwōtata ilo Utah Provo River. Kōm̄ naaj ettōr iturerein reba eo im waate wa jiddik ko jet iien rej wanlōñ wanlaḷ ilo wāween eo enana ilo ṅo ko reium̄ im jet iien rej meḷak ilo an dān eo kajoor.

Ilo iāekwōj jab in kōm̄ij kule bwe juon wa eaar tōl loḷok aolep n̄an mejān kajjik eo kar kālete. Ilo ejeḷok kōtmāne, ṅo eo eaar bōk loḷok e kepaak loḷok juon likabijwewe ekilep im kajoor, im wa eo eaar erḷool n̄an turājet in im oktak. Rḷol im bar rḷol eaar etal wōt, im jab kar maroñ rḷollōk n̄an lukkuun

ṅo eo. Āliktata eaar itok n̄an juon kak-kije ejanōm̄man iḷapḷap in joṅak ko rejjab wānōk ej jebool e, jirok pen wōt ilo wōjke eo aolep iien.

Waan ikkure ko tōre ko ij ajri ejeḷok aer kiil n̄an kōjparok er, ejeḷok baatier n̄an letok tōl, im ejeḷok aer kajoor. Ilo m̄ool, mejān kajjik eo aer eaar eja iaḷ eo wōt an ṅo ko—iaḷ eo edik ej jum̄ae ie.

Āinloḷok wōt waan ikkure ko, jaar kakke kōn wāween ko rekwojarjar n̄an tōl ito itak eo ad. Jej deḷoñe mour in jaab n̄an eppāpe kōn ṅo ko an mour in rej em̄makūtūt ak kōn kajoor eo n̄an lōmṅak, n̄an wun eo, im n̄an bōke.

Jemedwōj Ilañ eaar jab jilikin tok kōj ioon juon ito itak an indeo ijelōkin letok jipañ ko bwe jen maroñ bōk tōl jān E n̄an lale bwe jen kōjparok ilo ad jepḷaak. Ij kōnono kōn jar. Ij barāinwōt kōnono kōn unoojdikdik ko jān ainikien eo emera, im dik; im ijjab kaarmejeje jeje ko rekwojarjar, ko rej kitbuuj naan ko an Irooj im naan ko an rikanaan ro—rej letok n̄an kōj n̄an jipañ kōj maroñ kijoone jemloḷkin laḷn eo.

Ilo jet iien ilo mijen ko ilo mour in, ej waḷok iaḷ ko ewōr pere ie, ettōndikdik eo em̄ojṅo, metak kōn nañinmej—aaet jemloḷkin ami jodikdik, autumn epaaktok, iio ko rerutto, eñjake ko jej ṅaetāer mej.

Aolep armej eloḷokjen ej kajjitōk ippān make kajjitōk eo em̄man an ennaan in jen Job eo etto: “Eḷañne juon armej e mej, enaaj bar mour ke?”¹¹ Meñe jej kajjieoñ joñan ad maroñ n̄an kadiwōjloḷok kajjitōk eo jen lōmṅak ko ad, aolep iien ej rḷoltok. Mej ej itok n̄an aolep armej. Ej itok n̄an rutto ro ilo aer etetal ioon ne ko remōjṅo. Mej ej waḷok ej roñ jen ro raar jab tōpar wōt likoḷpen mour in ito itak eo aer, jet iien mej ej kalur ainikien ko reḷḷaaj an ajri ro reddik.

Ak ta eo aorōk kōn juon mour ālkin mej? Robert Blatchford, ilo bok eo an *God and My Neighbor*, kar jum̄ae kōn tōmak ko an Rikūrijin ro kar errā kaki āinwōt Anij, Kraist, jar, eḷap tata jab erre. Eaar pen ilo

an kwaļok bwe mej eaar jemļok eo ilo mour im ejjeļok juon emaroņ kariab e. Innām juon menin bwilōn eaar waļok. Dipin m̄weo imōn eaar pedakilkil erom bwiñalñal. Eaar mour wōt jab maroņ bōbrae e make. Jidik ñan jidik eaar jino eñjake iaļen rōļ eo an ñan tōmak eo eaar kakkure im kōwaane. Ta eo eaar kōm̄mane oktak in ilo an erreilok ilo wāween eo? Kōrā eo pāleen ar mej. Kōn juon bōro erub eaar etal ñan ruum̄ eo ijo eaar likūt men otemej ko raar bwinnin mour an kōrā eo pāleen. Eaar bar reilok bar juon alen ñan mejān eo eaar lukkuun iakwe. Ij diwōjwaj, eaar ba ñan eo m̄ōttan: “Eñin ej liq, im barāinwōt ejjab e eo. Men otemej ej oktak. Juon men eaar pād ijo mōkta emōj bōke. Ejjjab e eo. Ta eo emaroņ etal eļāñne ejjab jetōb eo?”

Tokālik eaar je: “Mej ejjab ta eo jet armej rej ļōm̄ņake. Ej āinwōt ñe kwoj etal ñan bar juon ruum̄. Ilo ruum̄ eo juon jenaaj lo . . . kōrā ro rejitōn bōro ie, em̄maan ro im ajri ro rem̄man jaar iakwe er im luuji er.”¹²

Ro jeiū im jatū, jejeļā bwe mej ejjab jemļok eo. M̄ool eo emōj ad ekkatak jen rikanaan ro remour ilo aolep iio ko. Ej barāinwōt pād ilo jeje ko ad rekwojarjar. Ilo Bok in Mormon eo jej riit naan ko raorōk im rekainōm̄man:

“Kiiō, kōn ļamļam in jetōb eo ikōtaan mej im jerkakpeje eo—Lo, kar kwaļok ñan eō jān juon enjeļ, bwe jetōb ko an aolep armej, ilo wōt iien eo rej ilok jān ānbwinnin kan- niok in, aaget, jetōb ko an aolep armej,

mekarta ñe rem̄man ak nana, rej ilok ñan jikier ñan Anij eo eaar leļok ñan er mour.

“Innām ālkin men kein, jetōb ko an ro raar jim̄we naaj bōk er ilo juon mejatoto in m̄ōñōñō, eo ña etan paradise, juon mejatoto in kakkije, juon mejatoto in aenōm̄man, ijo renaaj kakkije jān aolep inepata ko aer im jān aolep ailparo, im būrom̄oj.”¹³

Ālkin an kar Rilom̄qor eo debwāal im Ānbwinnin kar likūt ilo lōb eo ium̄win jilu raan ko, jetōb eo ar bar deļōne. Dōkā eo eaar dābwil ļok, im Ripinmuur eo eaar jerkakpeje eaar em̄makūt m̄aanļok, kar nuknuk kōn juon ānbwinnin im diin ejjab wabanban.

Uwaak eo ñan kajjitōk eo an Job, “Eļāñne juon armej e mej, enaaj bar mour ke?” kar itok ke Mari im ro jet raar kepaaktok lōb eo im kar lo ruo em̄maan kōn nuknuk ko rerabōļbōļ ro raar kōnono ñan er: “Etke kom̄ij pukōt eo E mour, ippān ro re mej?”¹⁴

Ilo tōprakin anjō eo an Kraist ioon lōb, jenaaj jerkakpeje. Eñin ej ļom̄qor an jetōb eo. Paul eaar je: “Barāinwōt ewōr . . . ānbwin i lañ, im ewōr ānbwin i laļ, a aiboojoj an ko i lañ juon, im eo an ko i laļ āin juon.”¹⁵

Ej aiboojoj eo an aļ eo jej pu- kōte. Ej pād im̄aan mejān Anij ijo jej kōņaan in deļōñ ie. Ej juon baam̄le ñan indeeo ijo jekōņaan membōr in. Kōjeram̄man rōt kein kar būki jen juon iien eaitok kōn kajjieoñ, pukōt, ukweļok, im āliktata tōprak.

Jaar itok jān ia? Etke jej pād ijin? Ia

eo jej etal ñane ālkin mour in? Ejjeļok bar aikuj ñan kajjitōk kein repād wōt ilo aer jab uwaak. Jān ijo em̄wilaļ an jetōb eo aō im ilo aolep ettā, Ij kaṃool bwe men kein Iaar kōnono kaki rej m̄ool.

Jemedwōj Ilañ ej lañlōn ippān ro rej kōjparok bujen ko An. Ej inepata barāinwōt kōn ajri eo ejabwābwe, im jodikdik eo erum̄ij, ej etal ettoļok jān pedped ko an kōjpeļ. M̄aajta eo eaar kōnono ilo mera an aolep: “Rōļtok. Wanlōntak. Deļōntok. Jepļaaktok ñan m̄weo. Itok ñan ippa.”

Ilowaan wōt juon wiik jenaaj kemem e Ijtō. Ļōm̄ņak ko ad renaaj oktak ļok ñan mour eo an Rilom̄qor eo. Mej eo an, im jerkakpeje eo An. Ilo kaṃool in An eaorōk, Ij kaṃool ñan kom̄ bwe Ej mour im bwe Ej kōttar tōprakin jepļaak eo ad. Rōļļok jab in enaaj ad, Ij jar ilo Etan ekwojar- jar—aet Jisōs Kraist, ad Rilom̄qor im Ripinmuur, amen.

KAKEMEMEJ KO

1. Matu 6:19–21.
2. Jerbal 17:29.
3. Lale Doctrine and Covenants 88:15.
4. Hibru 12:9.
5. Lale Doctrine and Covenants 76:24.
6. William Wordsworth, *Ode: Intimations of Immortality from Recollections of Early Childhood* (1884), 23–24.
7. Jon 14:2–3.
8. Lale Matu 5:48; 3 Nipai 12:48.
9. Hibru 12:1.
10. Ekklisiastis 9:11.
11. Job 14:14.
12. Lale Robert Blatchford, *More Things in Heaven and Earth: Adventures in Quest of a Soul* (1925), 11.
13. Alma 40:11–12.
14. Luk 24:5–6.
15. 1 Korinth 15:40.

Katak ko ñan Töre in Ad

Katak ko an Priesthood eo an Melkisedek im Doulul eo an Kōrā ro ilo Jabōt emen naaj ilo “Katak ko ñan Töre in Ad.” Kaj-jojo katak maroñ in kar kōpooj jän juōn ak lōñ ļok in kōnono ko letok ilo kar kweilōk eo eļap (lale jaat in ilaļ). Stake im district būreejtōn ro remaroñ kālet kōnono ta ko reaikuj in kar kōjerbali, ak remaroñ jītōñ eddo in ñan bisop ro im branch būreejtōn ro. Ritōl ro reaikuj in kwaļok aorōk eo an emṃaan ro ilo Priesthood eo an Melkisedek im jejtōr ro ilo Doulul eo an Kōrā ro ekkatak ejja kōnono ko ilo ejja Jabōt ko wōt.

Ro rej pād ilo katak ko ilo Jabōt-emen kar rōjañ er ñan ekkatak im bōktok ñan kūlaaj eo kweilōk eo eļap me ej waļok ilo makjiin eo.

ļōmņak ko ñan Kōpooj juōn Katak jän Kōnono ko

Jar bwe Jetōb Kwojarjar eo en pād ippām ilo aṃ ekkatak im katakin kōn kōnono eo(ko). Komaroñ in lo kapo ñan kōpooj katak eo

ilo kōjerbal bar kein katak ko jet, bōtaab kōnono ko ilo kweilōk eo eļap kar kōmālim ilo laajrak in katak ko. Jerbal eo aṃ ej ñan jipañ ro jet ekkatak im mour kōn kōjpeļ eo āinwōt kar katakin ilo kweilōk eo eļap an Kabuñ eo kiiō.

Etale kōnono eo(ko), pukōt pedped ko im katak ko me remaroñ in tōpar aikuj ko an ro uwaan kūlaaj eo. Barāinwōt pukōt bwebwenato ko, eoon in jipañ ko, im ennan ko jän kōnono eo(ko) me enaaj jipañ eok katak ṃool kein.

Kōmņane juōn laajrakin in wāween ñan katakin pedped ko im katak ko. ļōmņak in kobaik kajjitōk ko me rej jipañ membōr ro an kūlaaj eo:

- Pukōt pedped ko im katak ko ilo kōnono eo(ko).
- ļōmņak kōn meļeļe ko aer.
- Kwaļok meļeļe, ļōmņak ko, eñ-jake ko, im naan in kaṃool ko.
- Mour kōn pedped ko im katak ko ilo mour ko aer.

| | |
|----------------------------------|---|
| KATAK KO AN ALLŌÑ KO REJ KATAKIN | KEIN KATAK KO ILO JABŌT EMEN |
| Eprōļ 2012–Oktoba 2012 | Kōnono ko kar litok ilo Eprōļ 2012 kweilōk eo eļap* |
| Eprōļ 2012–Oktoba 2013 | Kōnono ko kar litok ilo Eprōļ 2012 kweilōk eo eļap* |

* Ñan Eprōļ im Oktoba katak ko an Jabōt emen, kōnono eo(ko) maroñ in kālet i jän kweilōk eo eļap ṃokta ak jän eo ej kab kōmņan. Kōnono kein ewōr ilo (elōñ kajin ko) ilo conference.lds.org.



Jen Bureejtön Henry B. Eyring

Rikakpilöklök eo Kein Kajuon ilo Bureejtönji eo Kein Kaj

Idajoñjoñ ko ñan Anjg loer

Eļaññe ewōr ad tōmak ilo Jisōs Kraist, iien ko reppen tata im barāinwōt pidodo tata ilo mour maroñ erom juon kōjeramman

Iaar roñ an Bureejtön Spencer W. Kimball, ilo juon mweñan in juon kweilok kar kajitok bwe Anij en kar lelok ñan e idajoñjoñ ko ñan anjg loer. Eaar ba: “Ewōr apañ ko rellap imaad, iien ko rellap remman ñan tōpari. Ij karuwaineneik itok limo eo kōtmene kaki im eñjake eo ñan kōñaan ba ñan Irooj, ilo ettā, ‘Letok ñan eō idajoñjoñ kein,’ letok ñan eō apañ kein.”¹

Būruwō eaar imwe, jeļā, ainwōt Iaar, jet iaan idajoñjoñ ko im apañ eo emōj de an kar jelmāe. Iaar eñjake juon ikirelel ñan erom lok ainwōt e, juon rikarejeran Anij eperan. Ejjab to ālkin iien eo, juon boñ Iaar jar kōn juon teej ñan kamool kōn peran eo aō. Imaroñ kememej ilo alikkar. Ilo joten eo Iaar bukewelōlō ilo jikin kiki eo aō kōn juon tōmak me eaar kobrak būruwō ñan rup.

Iumwin juon ak ruo raan ko jar eo eaar uwaak. Māljoñ eo epen tata an mour eo aō eaar kailbōkbōk im kōttāik eō. Eaar letok ñan eō juon

katak ruo mōttan. Mōktata, eaar ewōr aō kein kamool bwe Anij eaar roñ im uwaake jar in tōmak eo aō. Ak eo kein karuo, Iaar jino katak eo me Ij katak wōt kake rainin ñan katak kōn etke Iaar eñjake löke eo bwe joten eo juon kōjeramman eļap emaroñ itok jān apañ eo me eaar itok eļaplok jān kōllāik jabdewōt likjab.

Apañ eo Iaar eñjake raan ko jemaan kiiō ainwōt edik ñan ta eo eaar waļok jān tōre eo—ñan ña im ñan ro Iaar iakwe er. Elōñ iaami rej kiiō eļļā jān māljoñ ko an ānbwiin, lōmņak, im eñjake me maroñ kar kōmman bwe komjij jar ainwōt juon rikarejeran Anij eļap im tiljek Iaar kanooj jeļā kajien. Nōōj eo an eaar roñ an kwaļok e jān an metak, “Ke iaar kajieoñ ilo aolepen aō mour ñan erom emman, etke menin eaar waļok ñan eō?”

Kom jeļā ekōjkan an Irooj kar uwaake kajitok eo ñan Rikanaan Joseph Smith ilo jikin kalbuuj eo an:

Irooj eaar jiroñ Joseph Smith bwe eļaññe aikuj in kar joļok ilo roñ, ak

ñan pein ruroor ro, im jemlok eo an mej eaar eļļā jān e; eļaññe ej aikuj in kar joļok e ilo mwilaļ in dān ko; eļaññe ñōl in ŋo ko rej jumae e; eļaññe kōto ko rekajoor rej erom an rikejdet; eļaññe lañ ko rej aiin marok lep, im aolep men ko rej koba ñan jelmāe wāween eo; im ilōñ in men otemjej, eļaññe loñiin hell ej peļlok leplep e loñiin ñan kwe, kwoj aikuj jeļā bwe aolep men kein renaaj lewaj ñan eok eñjake, im naaj ñan emman eo am.

Irooj eaar ba bwe Nejin Armej emōj jilkintok ilaļ in aolepeer, Joseph eaar ke laļok jān E?

Irooj eaar ba ñan dāpij wōt wāween eo, im priesthood eo ej aikuj pād wōt ippān; bwe joñak ko aer emōj kōmmani, rejjab maroñ eļļā. Raan ko an Joseph kar jeļā kaki, im iio ko an rejjab aikuj lōñ joñaer; ej aikuj jab mijak ta eo armej remaroñ kōmmane, bwe Anij enaaj pād ippān ñan indeeo im indeeo.²

Ainwōt ñan ña ejeļok bar uwaak emman lok ñan ña jān uwaak eo ñan kajitok eo etke māljoñ ko rej itok im ta eo jej kōmmane jān naan ko an Irooj Make, eo eaar eļļā jān māljoñ ko ñan kōj me eļaplok ad jorraān jān ad maroñ lōmņake.

Komij kememej naan ko An ke Eaar kapilok me jej aikuj, jān tōmak eo ilo e, ukweļok:

Rilomqor eaar kakien e kōj ñan ukweļok ñe jaab Enaaj kakkure kōj kōn An in naan im kōn An inepata im An illu, im eñtaan ko ad naaj laļ—ewi joñan aer laļ jejjab jeļā, ewi joñan an aiboojoj jejjab jeļā, ewi joñan aer pen ñan būki jejjab jeļā.

Rilomqor eaar ba bwe eaar eñtaan kōn men kein ñan aolep bwe ren jab maroñ eñtaan eļaññe renaaj ukweļok.

Rilomqoor eaar ba bwe eļañņe armej rejjamin naaj ukweļok, rej aikuj in eņtaan emool āinwōt Eaar.

Eņtaan eo an eaar kōmņan bwe e, emool Anij, eo eļaptata iaan aolep, nān udiddid kōnke kōn metak, tōor bōtōktōk ilo aolep roñ in ānbwiin, im eņtaan jimor ilo ānbwiin im jetōb. Metak eo eaar kanooj ļap joñan eaar kajjitōk eļañņe emaroñ nān e nān an anjo ioon;

Mekarta, Eaar leļok aiboojoj eo nān Jemen, Eaar bōk mōttan im kōjemļok kōppopo ko An nān kōj.³

Komņ im nā ewōr ad tōmak bwe wāween eo nān lōñjak ilo im ilōñ in mālijoñ ko ej nān tōmak bwe ewōr juon “wūno ilo Gilead”⁴ im bwe Irooj eaar kalimņur, “I jāmin . . . ilok jān eok.”⁵ Eñin ej ta eo Būreejtōn Thomas S. Monson eaar katakin kōj nān jipañ kōj im ro jej jermal nān er ilo ta eo āinwōt emake ļok im tōr jān joñan mālijoñ ko.⁶

Ak Būreejtōn Monson eaar barāinwōt katakin ilo loļe bwe juon pedped in tōmak ilo mool eo in an kalimņur ko ebōk iien nān kalōke. Komņ maroñ kar lo aikuj eo nān pedped eo ilo jikin kiki eo an juon eo epojak in ebwer jān tariņae eo nān jipañ er niknik nān jemļok in. Eļañņe pedped eo an tōmak ejjab juon mōttan būruwōd, kajoor eo nān niknik enaaj likjab.

Jibadbad eo aō rainin ej nān kōmeļeļeik ta eo Ijeļā kōn ewi wāween jemaroñ kōmņane me ej juon pedped edim. Ij kōmņane kōn ettā eļap kōn ruo un ko. Mōktata, ta eo Ij ba emaroñ kabwjer jet ro me rej kakkōt ilo iolapļap in apañ eo eļap im maroñ eņjake bwe pedped in tōmak eo aer ej jepepļok. Im kein karuo, Ijeļā bwe emool eļapļok teej ko rej pād iņaaō mōkta jān an mour in jemļok. Kapilōk eo Ij lewaj nān komņ ejañin de kaņoole kōn niknik eo aō make nān jemļok in.

Āinwōt juon kar likao Iaar jermal ippān juon kontōrāak in kōmņan pedped ko im bauntiejen ko in em ko nān mōko rekāal. Ilo bwil in jōmņan ekaar pen nān jermal nān kōpooj bwidej eo nān boomņ eo me kōm kar lukōt jimeņ eo nān pedped eo. Eaar

ejeļok mijiin. Kōm kar ekkotak im jabōļ. Kajutak bauntiejen ko me renaaj to aer pād eaar jermal pen ilo raan ko.

Eaar barāinwōt aikuj kijenmej. Ālkin am kar erake pedped eo kōm kar kōttar nān an mōrā. Joñan wōt am kar kōņaan kōmōkaj jermal ko, kōm kar kōttar barāinwōt ālkin am erake pedped eo mōkta jān am kar rupe boom ko.

Im emool ekanooj ļapļok an kōpaļpaļ nān juo rikkal eo ekāal eaar ta eo eaar āinwōt juon iien eo ejelimo im ebōk iien nān kōkōmņan likūt baar ko ilowaan boomņ ko nān kadeleļok kapen pedped eo.

Ilo ejja wāween eo wōt, bwidej eo ej aikuj in kōkōmņanmōn kōpooj e nān pedped eo ad an tōmak nān jutak ņae lañ ko me renaaj itok nān mour otemjeļok. Pedped in ekajoor nān juon pedped an tōmak ej mool eo an juon make.

Ad kālet jimwe eo ejjab mņwijkōk jabdewōt iien kālet eo ej likūt iņaad ej ejake pedped eo edim iumwin tōmak eo ad. Emaroñ jino ilo ad ajri wōt jān an aolep jetōb ej ļotak kōn menin letok eo an Jetōb eo an Kraist. Kōn Jetōb eo jemaroñ jeļā ñe eo jaar kōmņane ta eo ejimwe iņaan Anij im ñe jaar kōmņan bōd iņaan Mejān.

Kālet ko, ko rej waļok buki kōttan ilo enañin aolep raan, kōpooj pedped eo edim me imōn tōmak eo ad ej ekkal ie. Wujkinen eo ipeļaaakin me ej kein jermal eo an tōmak eo ad ej lukōt ie ej kojpeļ eo an Jisōs Kraist, kōn aolepen bujen ko an, kaiñi ko, im pedped ko.

Juon iaan kii ko nān niknik ilo tōmak ej lale iien eo ejejjet nān ad kapen ļok. Eñin ej etke Iaar jab loļe nān kōllā ilo iien eo emōkaj tata ilo mour e aō kōn idajoņjoñ ko reutieļok nān anjo ioyer im teej ko reļļap ļok.

Kemour ejjab kajju itok kōn wāween iien, bōtaab ebōk iien. Rūttoļok ejjab make kōmņane. Ej jermal nān Anij im ro jet ilo kije kōn aolepen būruwōd im ad me ej ukōt naan in kaņool eo ad kōn tōmak nān kajoor in jetōb eo epen an rup.

Kiiō, Ikōņaan kōketak ro me rej

pād ilo ibwilijin mālijoñ ko reppen, ro rej eņjake tōmak eo aeer emaroñ in bwe ra dik ļok iumwin inepata ejjab jemļok an inepata. Mālijoñ make emaroñ wāween eo ami nān kajoorļok im āliktata bōk juon tōmak edim. Moronai, mņaan eo nejin Mormon ilo Bok in Mormon, kar jiroñ kōj ekōjkan bwe kōjeramņan eo en maroñ kūrmoool. Ej katakin moool eo ejej uwaan im emņan me ej jermal emool joñan eo edik an tōmak ej kōmņan bwe Anij en kōļapļok:

“Im kiiō, nā, Moronai, in kōnono jidik kōn men kein; In kwaļok nān laļ bwe tōmak ej men ko kōjatdikdik kaki im jab loi; kōn menin, jab jumņae kōnke komņij jab lo, bwe komņij bōk ejejļok kaņool mņae ālkin melijoñ in ami tōmak.

“Bwe eaar kōn tōmak Kraist eaar kwaļok E make nān ro jemām, ālkin An kar jerkak jān ro remej; im Eaar jab kwaļoke nān er mņae ālkin an kar wōr aer tōmak ilo E, bwe Eaar kwaļok E make jab nān laļ.

“Ak kōn tōmak an armej Eaar kwaļok E make nān laļ, im kaiboojoj etan Jemān, im kar kōpooj iaļ eo bwe ro jet ren maroñ ri bōk jān menin letok jān lañ, bwe ren maroñ kōjatdikdik kōn men ko rejjab kar loi.

“Kōn menin, komņ maroñ barāinwōt wōr ami kōjatdikdik, im ri bōk jān men in letok eo, eļañņe komņ naaj ak wōr ami tōmak.”⁷

Mōttan eo an tōmak in ekanooj aorōk tata im me kwoj aikuj kejpaproke im kōjerbale ilo jabdewōt jekjek eo komņ maroñ e ej tōmak ilo Irooj Jisōs Kraist. Moronai eaar katakin kōn kajoor eo an tōmak in ilo wāween in: “Im barāinwōt jab ilo jabdewōt iien jabdewōt eaar jembali men in bwilōñ ko mņae ālkin aer tōmak; kōn menin eaar mōkta tōmak ilo eo Nejin Anij.”⁸

Iaar loļok juon kōrā eo me eaar bōk kabwilōñlōñ kōn kajoor eo eaorōk nān niknik ilo jako jab maroñ ļōmņak kaki kōn maroñ eo ejej uwaan nān āliji naan ko, “Ij jela aō Dri Pinmuur ej mour.”⁹ Tōmak in im naan ko an naan in kaņool eo raar pād āinwōt an ememļokjeņ ko an ajri

ro nejin dikļok bōtaab jamin nān jidik lukkuun jako.

Iaar bwilōn nān katak bwe bar juon kōrā eo eaar jeorļok an juon armej bōd me eaar kar kabōd e iumwin iiō ko. Iaar bwilōn im kar kajjitōk ippān etke eaar kālet nān jeorļok bōd im meļokļok iumwin elōn iiō ko in kakkure ko renana.

Eaar ba ilo mera, “Eaar men eo epen tata Inaņin kar kōmņane. Iaar jeļā Ij aikuj in kar kōmņane. Kōn menin Iaar.” Tōmak eo an bwe Rilomqor eo enaaj kar jeorļok an bōd eļāņne en kar jeorļok an ro jet bōd kōpooj e kōn juon eņjake in aenōmņan im kōjatdikdik ilo an kar jelmāe mej allōn ko mōkta ālkin an kar meļokļok bōd eo an rijumāe eo an.

Liin eaar kajjitōk ippa, “Nē Ij tōpar ļok ijōņ, enaaj kōjkan ilo laņ?”

Im Iaar ba, “Ijeļā jān ta eo Iaar loe jān maroņ eo aņ nān kōjberbal tōmak im nān jeorļok bōd enaaj juon iien rōļ ļok nān kapijuknen eaiboojoj nān kwe.”

Ebar wōr juon aō bar naan in kōketak nān ro me rej kiiō ļomņak eļāņne tōmak eo aer ilo Jisōs Kraist enaaj bwe nān er nān aer emņan aer niknik nān jemļok in. Iaar jeramņan nān jeļā kajien jet iaami me rej roņjake kiiō ke kom ļok kar dikļok, peran, kapeel eļapļok jān elōn ro ipeļakimi, kom ļok kar kālet nān kōmņane ta eo Rilomqor eo enaaj kar kōmņane. Jān kōjeramņan ko ami rellōn kom ļok kar lo wāween ko nān jipaņ im kea kōn ro kom maroņ kar kowaan er ak reilaļ ļok nān er jān jikimi.

Nē mālijoņ ko reppen rej itok, tōmak eo nān niknik ilo jeppet enaaj pād ijo, kom maroņ jab kile ilo tōre in, bōtaab enaaj ekkal jān jberbal kōn iakwe eo erre eo an Kraist, jberbal im jeorļok bōd āinwōt Rilomqor eo naaj kar kōmņane. Komļok kalōk juon pedped an tōmak jān iakwe āinwōt an Rilomqor eo kar iakwe im jberbal

nān E. Tōmak eo ami ilo E ej tōl nān mākūtūt ko an iakwe an Kraist me enaaj bōktok kōjatdikdik nān kom.

Ejjamin rumij nān kōkajoorļok pedped eo an tōmak. Ewōr iien otemej. Kōn tōmak ilo Rilomqor eo, kom maroņ ukweļok im akweļap kōn jeorļok bōd. Ewōr juon eo kom maroņ jeorļok an bōd. Ewōr juon eo kom maroņ ļomņak kake. Ewōr juon eo kom maroņ jberbal nān e. Kom maroņ kōmņane menin jabdewōt jikin eo komļok pād ie im mekarta make ļok im jorrān eo kom maroņ eņjake.

Ijjab maroņ kalimņuri juon jemļok nān apaņ eo ami. Ijjab maroņ ba nān kom bwe mālijoņ ko ami renaaj nān kom renaaj an jidik wōt iien. Juon iaan mņwil ko an mālijoņ ilo mour ej bwe renaaj āinwōt ad lale iien en kadikdik ļok im naņ bōjrak.

Ewōr jilu un ko nān menin. Jeļā un kein ejjab leļok eļap kaenōmņan, ak emaroņ lewaj nān kom juon eņjake in kijenmej. Rej itok jān juon wōt mool: ilo iakwe eo Aer eweppān nān kom, Jemedwōj Ilaņ im Rilomqor eo rej kōņaan bwe komļok jeppet nān Er nān mour ilo baamle ko indeeo. Ro wōt me raar jeppet kwaļ er kōn Pinmuur eo an Jisōs Kraist maroņ pād ijōņ.

Jinō eaar ire ippān kenjer iumwi enaņin 10 iiō ko. Kōmadmōd ko im mņwijmwij ko im āliktata pād wōt ilo jikin kiki eo an kar jet iaan mālijoņ ko an.

Ij kememej an jema ba ke eaar lale an bōk kūtuwōn āliktata, “Juon leddik jidikdik emōj an ilok nān kapijuknen eo an nān kakkije.”

Juon iaan rikōnono ro ilo ilomej eo an eaar likao eo pāleen sister eo an im eo mōttan Būreejtōn Spencer W. Kimball. Ilubwilijin naan in nōbar ko eaar kwaļok, Ij kememej juon men āinwōt in: “Jet iaami emaroņ in wōr an ļomņak bwe Mildred eaar aitok an eņtaan im kanooj ļap kōnke kōn jet men ko eaar kōmņani rebōd me

kar menin aikuj mālijoņ ko. Jaab, eaar bwe Anij eaar kōņaan kōrabōl ļok jidik.” Ij kememej ilo iien eo iaar ļomņak, “Eļāņne juon kōrā eo emņan eaar aikuj joņan kōrabōlbōl eo, ta eo imņaan nān nā?”

Eļāņne ewōr ad tōmak ilo Jisōs Kraist, iien ko reppen tata im barāinwōt pidodo tata ilo mour maroņ erom juon kōjeramņan. Ilo aolep jekjek, jemaroņ kālet jimwe eo kōn tōl eo an Jetōb. Ewōr ippād kōjpeļ eo an Jisōs Kraist nān ļōme im tōl mour ko ad eļāņne jej kālet e. Im kōn rikanaan ro rej kwaļok nān kōj jikin eo ad ilo karōk in lomqor eo, jemaroņ mour kōn kōjatdikdik eweppān im juon eņjake in aenōmņan. Jejamin aikuj in eņjake bwe jemake wōt ak jab iakwe ilo jberbal in jipaņ an Irooj kōnke jejaņin kar. Jemaroņ eņjake iakwe eo an Anij. Rilomqor eo eaar kalimņur kōn enjeļ ro nān pād ituanmiiņ im ituambwijmaroņ nān kotak kōj.¹⁰ Im iien otemej ej dāpij An naan.

Ij kamool bwe Anij Jemed ej mour im bwe Nejin Jitōnbōro ej ad Rilomqor. Jetōb Kwojarjar eo eaar kapen mool eo ilo kweilok in im naaj bar ilo ami pukōt e ilo ami roņjake im ilo ami ekkatak kōn ennaan ko tok ālik an rikarejeren ro kōmālim er an Irooj repād ijin rainin. Būreejtōn Thomas S. Monson ej rikanaan eo an Irooj nān aolepen laļ in rainin. Ij kamool ilo etan Jisōs Kraist, amen.

KAKEMEMEJ KO

1. Spencer W. Kimball, “Give Me This Mountain,” *Ensign*, Nob. 1979, 79.
2. Lale Doctrine and Covenants 122:7–9.
3. Lale Doctrine and Covenants 19:15–19.
4. Jeremiah 8:22.
5. Joshua 1:5.
6. Lale Thomas S. Monson, “Look to God and Live,” *Ensign*, Māe 1998, 52–54.
7. Ether 12:6–9.
8. Ether 12:18.
9. “Ij jela Bwe Aō Dri Pinmuur Ej Mour,” *Al*, nō. 28.
10. Lale Doctrine and Covenants 84:88.